



CHANSON

BACCUS



Eus a zouës ar Bayanet,
Baccus e zeo an idol.

E hano zo Yan Vourdel,
C'hoas an deus mil hano drol.

Antreomp en hostaliri,
Harça 'eta camarad.

Tostait aman va mignon,
Ma momp peb a chopinad.

An Tad Santel on e Bales,
Gandt e oll Cardinalet.

A ev guin a chopinadou,
Hep sonjal en drouk ebet.

Ar Venech en o c'houentchou,
Ar véleyen reglet mad.

Ne deus evit o forsion,
Nemet bep a chopinad.

Ni etresom camaraded,
A Zant Pol a Zant Anton.

Pa deu eur mignon d'hor guelet,
A redoubl hor portion.

Deut eur mignon d'hor guelet,
Doublit' din eur chopinad.

Ha me na vin qet scrupulus
En quichen eur voutaillad.

Pa ven em goll gontantamant,
Hag em oll blijadurez

Eur mignon ganèn assembles
Potraman eur vignonez.

A zo guelloc'h eur traitour,
A zirazoc'h ho meulo.

Hag a rayo goab ac'hanoc'h,
Goude ze ho tiercio.

Gouelc'h an taçou-ta queguiner,
Quers betec ar variqen,

Ha ma vanc dezi he halan,
Laqua sao dindan he fenn.

Tout e ranquo beva evet,
Hep na chomo eur berad

Quen ma yelomp eus an ty-man,
Evo lipped an tufad.

Manqet eo he halan dezi,
Ne deus mui nemet al ly.

Harça eta camaraded,
Demp-ni pepini d'e dy.

An hostis ac an hostizez,
O deus servichet mad.

O deus roet demp sclêrijen,
Hed an de da labourat.

Lipet e eus tout ar guin coz,
Al liqueur al lodivi.

Ha sonjon: monet da eva,
Ne ziverez barna mui.

Harça eta camaradet,
Poent e dem en em guittat.

Pa vo deut ini neve,
Ni'm bo peb a ehopinad.

En han Doue pa vin maro,
Ne zoni quet ar c'hlazou din.

Ar piton ac ar goerennou,
Ar reze a sonno din.

E scol Baccus ma beus desquet,
Goro pis ar variquen.

En azo eun den a speret,
Bez a deuze cals a squient.

En han Doue pa vin maro
A intèret e caw ar guin.

Va zreiz dindan eur variquen,
An duelen eus va min.

Ar beradou a sivero,
A goeo e' bars ma guinou,

Ha mar deu dezi didala,
Goalc'he va e'halonem bezo.


Harça eta compagnunez,
Bremen fello d'êc'h clayet.

Piou a deuz var sujet Baccus,
Ar son nevez composet.

An hini n'eus e composet,
A zo ur baleer brô.

En eur eva chopinadou,
Divinit piou e hano.

FIN.





CHANSON

POTRET PLOUILLAU

Var ton : ADIEU, PONTREO

M'am bije speret da gompren, evel a meus fantazi,
Me a vije n'em implijet da zonet da gomposi
Eur c'himiat leun eus a c'hlec'har, grèt da gonscrivet
yaouanq,
O deus tennet ar billet du ebars er blaves prezant.
Ebars er bla mil eis cant c'hoec'h, ar bemp a vis guen-
golo,
E zeo diguonet adare eus a baros Plouillau,

Tud yaouanq evit an arme, tud eus ar re derrupla^t;
Glac'haret è o oll ligne, p'o guelont o partia.

Da bartia gant an actif ne zeus qen nemet pèvar :
Ervoanic Jacob, eus ar bourg, ha Guiljan ar Meleda^t;
Ha Yannic Prat eus ar Goajou ha Pipi an Aveant :
Pèvar den eus ar re vrava, corfou caer ha tud vaillant.

Ervoanic Jacob a lare en deiz-se d'e gamarad :
Emà a zo un devez trist hac a ra din calonad !
Guelet va mam baour o voeela, ha va zad qèz desolet !
Va c'halonic ebars em c'hreiz zo dija qazi rannet.

Calz a sonchfe dè, marteze, penos e ven ur poltron,
Em be aon rac un ten fuzuil pe rac ur vouled canon,
P'otramant aoun rac ar fatiq, o vale dre an hentchou,
Pe gousqet var ur guele can ebars er c'hordegardou.

Douguen va dillat var va chouq, va fuzuil ha va zabren
Bale bemde a guèr da guèr dre ar fanq hac ar vouillen ;
Ha goude e fin va beach rancout marteze campi,
Pe gousqet var an douar yen, pe otramant bivoaqi.

Tor o deus an neb a sonch se ; ma c'haljent lenn em
c'halon

Evit guelet va bolonte ha va inclination :
Ma na foffet nemet va goad, me en scuilfe tout joaüs
Evit souten hon Impalaër, un tad qer carantezus !

Piou ne gombatte qet hardi gant un Impalaër chris-
ten !

Ur gaus qer just hac e hini a zo facil da zouten,
Pa zomp memprou da Jesus-Christ, soudarded an Aviel
Bugale da Zoue an Tad, templou d'ar Speret-Santel,
Arça eta, camaradet, qent quittat eus hor c'hontre,
Demp-ni da illis Plouillau da suplia hon Doue
D'or preservi demeus goal chançh pa vezimp en armeou
Ha da gonsoli bars er guèr hon tadou hac hor mamou,
Adieu d'èch, Autrou Saint Millau, patron eus ar baros-
mà ;

Adieu, qerent ha mignonet, cessit brèma da vouela :
Pedit Doue hac ar Verc'hes da gavet soign ac'hanomp,
Hac hon Æl mad d'hor c'hunduò partout e lec'h ma
zefomp.

Adieu, va mab, va esperanç, eme an tad desolet :
Piou a gonsolo da dud paour goude ma vi partiet ?
Pa vin accablet gant cosni, me vo clèvet o laret :
Ma vije va mab qèz er guèr, en dije va soulajet.

Clévit ar vam o qimiadi ive digant e buguel :
Deut amà c'hoas ma c'hambassin ur vech qent eguet
mervel ;

Aben ma retorni d'ar guér me vo ét eus ar bed-mà
Deus amàn etre va divrec'h evit ar vech diveza.

A guichen ar moment fatal ma c'heus tennet d'ar
billet.

Bemnos vel ma fo din cousquet, me a seblant da velet
O tont eus eur gombat sanglant, va eur chariot blesset ;
Pe tolet en eun hospital, gant an oll abandonnet
Ar soudard yaouanq contristet, c'hoas qent eguet partia
Evit essât o c'honsoli a lavar, en eur vouela :
Tavit, va zad ha va mam baour, ha bevit en esperanç :
Doue, tad a visericord, a so bras e Brevidanç.

Goude ma vo fin d'ar brezel ha goneet ar victoar,
Gant graç Doue hac ar Verc'hes, e vezo fin d'ho clac'har
Evit merç eus hor vaillantis gant lore deus hor tocou,
Ni a zistroyo prest d'ar guér evit sec'hi ho taelou.
Adieu da baros Plouillau ha d'e oll habitantet,
Adieu d'hon oll anaoudeguez, ha qerent, ha mignonet :
Ha ma na memq qet ar boneur er bed-mà d'en em velet,
Graç deomp ebars er Barados assambles d'en em gavet.

FIN

Propriété

Faint, illegible text, likely bleed-through from the reverse side of the page.



Illustration of a basket of flowers.

Faint text at the bottom of the page, possibly a page number or a reference.